


बच्चियां ताई बाइबल
पेस करदी ऐ

माणुये दे दुखां दी
सुरुआत



Edward Hughes: दे जरिये लिखियो ऐ।

Byron Unger; Lazarus;
Alastair Paterson: दे जरिये बणाई गेई।

M. Maillot; Tammy S.: दे जरिये अनुकूलित।

Subramani N.: दे जरिये अनुवाद कित्ता।

Bible for Children
www.M1914.org: दे जरिये बणाई ऐ।

©2022 Bible for Children, Inc.

लाईसेंस: जाहलू तिकर तुहां इसा जो नी बेचदे हन, ताहलू तिकर तुहां
जो इसा काहणिया जो कोपी या परिंट करणे दी इज्जाजत ऐ।

1

परमात्ममें सब कुच्छ बनाया। जाहलू
परमात्ममें पैहल्ला माणु आदम बनाया, तां
सैह अपणिया लाडिया हव्वा सौगी अदन
दे बगीचे च रेंहदा था। सैह परमात्मे दे
हुक्मां दा पालन करदे बगत कने इक्क दिन
तिसदिया हजूरिया दा आनंद
लेंदे बगत बडे खुस थे।



2

सर्प हव्वा ते पुछ्या,
 “क्या परमात्मै तुहां नै
 गलाया, कि सारे रूखां दा
 फल मत खांदे?” अपर
 तिन्हीं जबाब दिता, “अहां सारे रूखां दे फल खाई
 सकदे हन, अपर इक्क रूख ऐ जे अहां तिसदा
 फल खांदे या छूंदे हन, तां अहां मरी जांगे।”
 सर्प हस्सेया कने गलाया, “तुहां
 नीं मरगे।” “तुहां परमात्मै
 साइआं होई जांगे।” हव्वा
 तिस रूखे दे फले जो खाणा
 चांहदी थी। तिन्हीं सर्पे दी गल्ल
 मनी कने

फल खाई लेआ।

3

हव्वा दे जरिये परमात्मै दे हुक्मे जो
 तोडणे दे बाद तिन्हीं आदमे जो भी
 फल खाणे तांई उकसाया। आदमे जो
 गलाणा चाइदा था, “नीं। मैं परमात्मै
 दे हुक्मे जो नीं तोड़ी सकदा।”

4



जाहलू आदम कने हव्वा पाप कित्ता, तां
 सैह दोयो जाणदे थे कि अहां नंगे हन। तिन्हां धूडे दे
 पतरां जो सी करी, अपणे आप्पे जो ढकी लेआ कने
 परमात्मै दे ओणे पर सैह झुडेयां पचांह लुक्की बैदे थे।

5


संझा दे बग्त परमात्मा बगीचे च आएया। सैह जाणदा था
 कि आदमे कने हव्वा क्या कित्या था। आदमें हव्वा
 जो दोसी ठैहराया। हव्वा सर्पे जो दोसी ठैहराया।
 परमात्मै गलाया, “सर्पे सापित ऐ। बच्चे पैदा
 करणे पर जणासा जो पीडा हुंगी।” “आदम,
 क्जोकि तैं भी पाप कित्या ऐ, इसतांई एह
 धरती भी सापित ऐ। तू मेहनत कने
 पसीना बहाई करी अप्पु तांई अनाज
 पैदा करगा।”

6



परमात्मै आदम कने हव्वा
 जो अदन दे बगीचे ते बाहर
 कड्डी दिता। क्जोकि तिन्हां
 पाप कित्या था, सैह जिन्दगी
 दैणे आले परमात्मै
 ते दूर होई गे।

7



परमात्मै तिन्हां जो दूर रखणे तांई
 इक्क अग्गी साइआं चमकदार तलवार
 बणाई। परमात्मै आदम कने हव्वा
 तांई चमडे दे कपडे बणाये।
 परमात्मै खलडी
 कुत्थु ते लेई?

8

कुच्छ बगते बाद आदम कने हच्वा दे इक्क परवारे दा जन्म होएया। तिन्हां दा पैहल्ला पुतर कैन इक्क किसान था। तिन्हां दूया पुतर हाबिल इक्क चरवाहा था। इक्क दिन कैन परमात्मे जो भेंट दैणे ताई कुच्छ सब्जियां लेई करी आएया। हाबिल अपणियां खरियां भेइडां च कुच्छ भेइडां जो

परमात्मे जो भेंट
दैणे ताई लेई करी
आएया। हाबिले
दिया भेंट ते
परमात्मा खुस
होएया।



9

परमात्मा कैने दिया भेंट ते खुस नीं होएया। कैन बड़ा गुस्सा होएया। अपर परमात्में गलाया, “जे तूमी सैई कर जेहड़ा ठीक ऐ, तां क्या तेरी भेंट स्वीकार नीं किती जांगी।”



10

कैने दा गुस्सा सांत नीं होएया। कुच्छ बगते बाद तिन्हीं दरबडे च हाबिले पर हमला किता कने तिसियो मारी दिता।



11

परमात्में कैने नैं गल्ल किती। “तेरा भाऊ हाबिल कुत्थु ऐ?” कैने झूठ गलाया, “मिन्जो नीं पता, क्या मैं अपणे भाऊये दा चौंकीदार ऐ?” परमात्मे कैने दी खेती करणे दी काबिलियत वापस लेई करी तिसियो सजा दिती।



12

कैने यहोवा परमात्मे दे सामणै ते चली गेआ। तिसदा ब्याह आदम कने हच्वा दिया इक्की कुडिया नैं होएया था। तिसदा इक्क परवार होएया। बड़ी तौली, कैने दे पोतरू कने पडपोतरूयां नैं सैह सैहर भरौई गेआ, जिसियो तिन्हीं बणाया था।



13

तिसी बगते, आदम कने हच्वा दा परवार भी बड़ी तौली बधदा गेआ। तिन्हां दिनां दे लोकां दी उम अज्जे दे लोकां दिया तुलना ते मती उम हुंदी थी।



14

जाहलू तिसदा पुत्र शेत पैदा होएया, ताहलू हच्वा ग्लाय, परमात्ममें हाबिले दिया जगाह पर मिन्जो शेत पुत्र दिता ऐ। शेत इक्क धर्मी माणु था जिसदी उम्र 912 साल थी कने तिसदे मते बच्चे थे।



15

जिआं-जिआं इक्क पीढी दूईया पीढिया दे मताबक चलदी गई, तिआं-तिआं ससारे दे लोक जादा ते जादा बुरे हुंदे गे। आखर च परमात्ममें मानस जाति जो नाश करणे दा फैसला लेआ कने सारे जानवर कने पंछि भी। परमात्मा पछतांदा था कि तिन्हीं माणुये जो बणाया था।



अपर इक्क माणु था जिन्हीं परमात्मे जो खुस किता ...

16

एह माणु नूह था। शेते दा वंश, नूह धर्मी कने बेकसूर था। सैह परमात्मे सौगी चलेया। तिन्हीं अपणे त्रीना पुत्रां जो भी परमात्मे दे हुक्मां दा पालण करणा सखाया। हुण परमात्ममें नूह जो बड़े अजीब कने खास तरिके नैं इस्तेमाल करणे दी



योजना बणाई।

17

माणुये दे दुखां दी सुरुआत

परमात्मे दा वचन, बाइबला दी इक्की काहणिया

च पाएया जांदा ऐ

सृष्टिया दी सुरुआत 3-6

"तेरे वचनां दी समझ मिन्जो जोती दिंदी ऐ।"
भजन 119:130

18

बाइबला दी एह काहणी अहां जो अहां दे अनोखे परमात्मे दे बारे च दस्सदी ऐ जिन्हीं अहां जो बणाया ऐ कने जेहड़ा सैह चांहदा ऐ कि अहां तिसियो जाणी पान।

परमात्मा जाणदा ऐ कि अहां बुरे कम्म कित्तयो हन जिसियो सैह पाप ग्लांदा ऐ। पाप दी सजा मौत ऐ, अपर परमात्ममें अहां नैं इतणा प्यार किता ऐ कि तिन्हीं अपणे इक्कलौते पुत्र, यीशु जो सूलिया पर मरणे ताई घल्लेया। तांजे अहां अपणे पापां दिया सजा ते बची सकन। ताहलू यीशु दोबारा जिन्दा होएया कने सुअर्गे जो चली गेआ। जे तुहां यीशु पर बसुआस करदे हन कने अपणे पापां ते पश्चाताप करदे हन, तां सैह इआ करगा जाहलू सैह वापस आंगा कने तुहां सौगी रँहगा, कने तुहां तिस सौगी सदा ताई जिन्दे रँहगे।

मेरे प्यारे यीशु, मिन्जो बसुआस ऐ कि तुहां परमात्मा हन, कने मेरे पापां ताई तुहां माणु बणी करी अपणे प्राण देई दिते, कने हुण भी तुहां जिन्दे परमात्मा हन। करिपा करी नैं तुहां मेरिया जिन्दगिया च ओआ कने मेरे पापां जो माफ करा, तांजे में हुण नौई जिन्दगी पाई सकैं, कने हर दिन में तुहां सौगी रँह। तुहां अपणे हुक्मां जो मनणे ताई मेरी मदत करा कने में अपणी जिन्दगी तुहां सौगी जी सकैं। अमीन।

हर रोज बाइबल पढ़ा कने परमात्मे नैं गल्लां करा। यूहन्ना 3:16

20

आखरी

2



60

19